


حقوقى بىلىكلەر مجموعهسى

ھەر آيك اون بېشىنچە نىشر اولتور



کتیرلسيله قائم اولوب مشترك قغوشلرده محکومين امرار اوقات ايتدجه تخليه مشروطه نك تطبيقى تأخير ايتك ايجاب ايدر. بالخاصه حمايه ومظاهرت جمعيتلرى وجوده گلدجه سجل جزائى اصولك تطبيقى باشلانماقجه تخليه مشروطه نى قبول ايتك جزائى حکمدن صكره قسماً اسقاط ايتك ديمك در. بوسيدندركه شمدیدن اسبابنه توسل ايدملك شرطيله تخليه مشروطه نك اون، اون بش سندن اول تطبيق ايديله بيله جگنه قائل دكلز.

مهورت فرب

اوقات:

مهمر طلعت

فانوه مدنى عائله حقوقده اسكى ويكى احكامك فرقلرى

اوليك برلىكى

يكي قانون بالخاصه عائله وحقوق عائله خصوصاً سنده مهم احكام جديده وضع ايلشدر، بو احكام شمدى يه قدر مانوس اولديغمز بر طاقم يكي شكلر، يكي اصول وقواعد، يكي مؤسسات، يكي احوال ويكى شرائطه متدائر اولمق اعتباريله تشریح وايضاحى اسكى احكامله اولان مبايتلرينك ارانه سى پك ضرورى ومبرم بر احتياجر در. اورته كه بويكى احكام قانونيه نك برر توصيه ماهيتنده عد اوله رق تطبيقاده كى شمولى آكلاشيله مامقده وجوق كره لر اعتيادات سابقه نك تأثيرندن قورتولونما مامقده اولديغى كورلمكده در.

فى الواقع قانونلرك هدفى دائماً يوكسك بر غايه اجتماعى، اقتصادى وعدلينك تأمين وتأسيسى اولمق نقطه سندن بو غايه نى استحصال ايتمش اولان افكار منوره ايچون قانونلر بر فلسفى مسلك وسيستمك نظامى اوله رق مطالعه ايديله بيلور. فقط قانونلرك قيمت واهميتلرى بالخاصه تطبيقلرنده در غايه لرى ده يالكر مذكور افكار منوره نك دكل طامه نك سويه وحقوقك اعلا سنده در، هيچ بر زمان تطبيقه لزوم حاصل اوليان بر جزا قانونى ويابعض احكام جزائيه مجرد موجوديتيله تطبيق ساحه سنده ديمكدر. حالو كه حقوق عائله بو وجهله منفى دكل مثبت ساحه ده اكثريسى كل يوم تطبيقى لازم كلن احكام هيئت مجموعه سندن عبارت اولوب نظريات ساحه سنده قالمسى اصلاً جائز اوله ماز. بو جهته حقوق شناسلر مترك بومسائل ايله يقيندن متوغل اوله رق خلقى تنوير ايتك وظيفه سيله مكلف بولندقلرينه اشارت ايتككه لزوم كور ييورم.

نکاح و زوجیت و حقوق عاٹله حقنده سابقا تطبیق ایدہ کلدی کمز احکام قرون سالفہدہ ار کلک قادین و عاٹله قارشی تغلب و استبدادینک وقادینی برنوع اشیا دن ، حیوانات اہلیہ دن عد ایدن ذہنیتک تقبالتدن بشقہ برشی دکلدی [*] . فی الواقع مهر ، طلاق ، تعدد زوجات وقادینہ قارشی کافہ امور و حرکاتسندہ زوجک وضع ایلدیک قیود احکامی نظردن کچیریلورسہ بونقطہ تماماً تعین ایدر . واقعا نظری برحق تصرف و حق خصومت بخشی صورتیلہ قادینک ار کلک تغلب و وصایتدن خارج بر اقلدینی ادعا اولنہ بیلوردی ، آنحق حقوق انسانیہ واجتماعیہ جہ ، عاٹله سینہ سندہ و زوجہ اولمق صفتیلہ زوجک تحت حکم و اسارتندہ بولان بر قادینک حقیقہ و فعلاً حقوق تصرفدن بحق استفادہ ایتدیک قبول اولنہ بیلورمی ؟ حالوکہ بوکون قانون اولنہ ایلہ ایلک حاصل اولان تاثیر و نتیجہ نک بو اولیک برلکنک وجود بولمش اولدینی بحق اعلان ایلشدر . برلک حقوق متساویہ و متقابلہ ایلہ تشکیل ایدیلن بر کوچک جمعیتدر . اسکی اصولده احکام موجودہ بہ کورہ زوجہ زوجک کیف و هوس و امریہ و برلش بر واسطہ ذوق و شہوتدن عبارتدی ، واقعا یکی قانوندهدہ زوجک برلکک ، عاٹله نک رئیس اولدینی کوریورز . فقط بوریاست زوجہ دکل برلکک ، عاٹله ہدر . بو برلک ، عاٹله بر آرز یوقاریدہ اشارت ایلدیکمز وجہلہ حقیقہ بر جمعیت ، بر شخص حکمی میدر ؟

خیر ، قانونده بویلہ بر حکم یوقدر ، معلومدر کہ بر شخص حکمی اشخاص ثالثیہ قارشی حقوق و وظائفی اولان بر شخص معنویدر . عاٹله نک بویلہ بر صفتی یوقدر ، مثلاً عاٹله مدعی و مدعی علیہ اولہ ماز . نولیک برلکندن متولد وظائف برلکک دکل ماضیلری اعتباریلہ یا زوج و یا زوجیہ و یا ہر ایکسینہ عاٹددر . بو برلک و عاٹله وصفی آنحق زوج و زوجہ نک یکدیگریہ قارشی حقوق متقابلہ سنی کویسترن بر حکمدر . بو اعتبار ایلہدہ احکام سابقہ نظرآ بر عاٹله تشکلی مفروض اولہ مازدی . چونکہ زوجہ نک برلک نقطہ نظریلہ زوجہ قارشی درمیان ایدہ جک برحق یوقدی . فی الحقیقہ سابقاً اکثر احوالده فعلاً و حکماً عاٹله لر تشکل ایدہ مہ مکدہ ایدی و تشکل ایتمش اولان عاٹله لردہ آنحق اخلاقاً و تربیہ و علماً و احکام موجودہ نک فوقہ چیقوب زوجہ لرینی شویلہ بر کیف و هوسلہ فرق ییللق یو وادن طرد ایدہ جک ذہنیتدن اوزاق قالان کیمسلر ایچون ممکن اولبوردی . واقعا دیانہ احوالک بشقہ یولده اولسی لازم کلوردی . فقط اہمیت احکام

[*] بویادہ کی تفصیلات ایچون (قادین) نامندہ کی اثرمنہ مراجعت اولنہ بیلور .

قضایه در و جمعیتل آتجق احکام دیانیه دکل احکام قضاییه کوره تشکل ایدر،
نته کیم ده اویله اولمده ایدی. حالبوکه یکی قانونک ۱۵۱ نجی ماده سنده قاری وقوجه نک
برلکک سعادتلی متحداً تأمین خصوصی یکدیگرینه قارشی متساویاً التزام ایلدکلی
وقاری وقوجه نک بربرینه قارشی صورت متساویه صدقت ومظاهرتله مکلف بولندقلری
کوربرز. یکی قانونک باشلیجه وصف تمیزی قادینه بخش ایلدیکی مساوی ومتوازن حقوقدر.
کرک زوج وکرک زوجیه برطاقم حقوق ووظائف تعیین اولمشدر، بو حقوق ووظائف
مساواتی و برلکی اخلاص ایتیه جک شکله توزین اولمشدر. قوجه نک برلکک رئیس
اولسنه مقابل قادینه ده اوه باقار (ماده ۱۵۳) وأوک دائمی احتیاجلری ایچون قادینه
برلکی تمیل حقنی حائزدر (ماده ۱۵۵).

حتی اسوچره حقوق شناسلری زوجک برلک رئیس اولسی قضیه سنک قادینک
مساوات حقوقه خلل کتیروب کتیرمه جکی نقطه سنی ده دوشونمشلر وروسهل ومتنا
رئیس اولق برلکک حاکم وافندیسی اولق بولمديغنی بیان ایلشلردر. نته کیم اسوچره
قانون مدینسنک بوکا متعلق اولان ماده سنک متخصصلر انجمنده مذاکره سنده موسیو
وهیر اولبالده کی متنی آلمان قانون مدینسنک ۱۳۵۴ نجی ماده سنه موافق صورتده تحریر
ایلمکی تکلیف ایتیش واحوال مهمه ده زوجک برقرار اتخاذهدن اول زوجنه ده رأی
آلمسی ماده ده ادخال ایلمکی موافق کورمشدی. حتی موسیو غمور ده ایلرویه کیده رک
بوماده زوجینک اشخاص ثالثیه دکل یکدیگرینه قارشی اولان مناسباتی تنظیم ایتمه ده
اولسی وبنابرین بونقطه دن برلکک رئیس کیم اوله جتی قضیه سی طبیعت وسجیه نک تقوی
مسئله سی اولوب هر برلکی تشکیل ایده جک زوجینک شخصیتلرینه کوره حل ایدیله جکسندن
قانونک قبول ایلدیکی مساوات اساسی اخلاصاً زوجنه ک زوجک تحت وصایتده اولدیغنی
ایما ایده جک بویه برقیده لزوم اولمديغنی بیان ایلشدی. موسیو شمیت بوقیدک برلکک
ماهیتی اخلاص ایده میه جکلی وهر جمعیتک بررئیس اولق لازم کلدیکی وزوج شمدیه
قدر بو وظیفه نی ایضا ایتیش اولق اعتباریه استقبالا ده بو وظیفه نی ایفایه لیاقت کسب
ایلدیکی بیان ایلسنه مقابل موسیو لور قادینک برلکده کی حقوقک توسیغنی عالمیه قارشی
برجاده تلقی ایلسیله موسیو وه بر زوجک برلک رئیس اولسی حقسنده کی نقطه نظرک
ازدواجک برلک ماهیتی رفع دکل بلکه زوجنه ک برلکده کی وضعیت حقوقیه سنی تثبیت
ایلمک اولدیغنی ایضاح ایلشدی.

فی الواقع قانون مدنيك ۱۵۱ نجی ومواد متعاقبه سی طرفینك وضعیت حقوقیه سی
تئیت ایئش اولمقدن متولد بر طاقم نتایج قانونیه حاصل اولمقده در. مواد مذکورہ اخلاقی
وظائفی اخطار وتوصیه ایلك دكل حقوقی مجبوریتلری وضع ایلمکده در، احکام سابقه ده
دخی نظری اوله رق زوجین سعادت عائله یی تأمین ایلك ویکدیگره صادق ومظاهر
اولمقله مکلفدرلر، هیچ کیسه عکسین ادعا ایتمه مکده ایدی، آنجق بو مکلفینك تطبیقاده
بر حکم واعتباری وارمی ایدی، بو وظائفده قصور ایدن بر زوج ویا زوجیه وظیفه لرینی
اجرا ایندی رجه ک تأییدات قانونیه وارمی ایدی؟ دیمک بو احکام اخلاقی وصایادن عبارتدی.
لکن بوگون بو احکامک تأییدات قانونیه سی وارد در. بر زوج ویا زوجیه مذکور
وظائف قانونیه سنده اهل کوستر رجه طرف دیگر قانونك ۱۶۰ نجی ماده سی موجب رجه
محکمه یه مراجعتله حاکمدن مداخله سی طلب ایده بیلور، حاکمه خللدار اولان حقوقك
تأمین ایچون احوالك اقتضا ایندی کی تدابیری اتخاذ ایلر. بوتدابیر قانونك ۱۶۲ و ۱۶۳ نجی
ماده لرینده ذکر اولندی یی اوزره متضرر اولان طرفك آری مسکن ایدنسی اعاشه
خصوصنده برقرار اتخاذ قلمسی، زوجیه طرفندن زوجك آله جقارینك تحصیل اولنسی
ودها اهمیتلی مسائله یعنی اخانت، حیانه قصد، بک فنا معامله لر، حیثیتسز حیات سورمك،
وظائف زوجیتك عدم ایفاسی ایچون ترك، شدتلی کچمسزلک کبی احوالده لزوم حاصل
اولمقده ۱۳۰، ۱۳۱، ۱۳۲، ۱۳۴، ۱۳۵، ۱۳۷، ۱۳۹، ۱۴۰، ۱۴۲، ۱۴۳، ۱۴۴،
۱۴۸ نجی ماده لرک تطبیقی ایله آریلغه، بوشانغه، بعدالطلاق قباحتلی اولان طرفك معین
مدتله تکرار اولنمه مسنه، مادی ومعنوی تضمیناته، برسنه مدتله نفقه اعطاسنه وولایتك
جهت عاندیتنه حکم ویرلمک صورتیله احکام موضوعه نك محفوظیتی تحت تأمینه آلمشدر.
بونلردن قوتلی تأییدات بولنه بیلورمی؟

مسائل عائله ده بر بشقه سنك مداخله سی رنجیده کی خاطری موجب اوله جنی، حیثیت
ذاتییه طوقوناجنی مطالعه لريله ایشی زوجینه براقق ویا اصول سابقمزده اولدینی وجهله
زوجنك حکم مطلقه تودیع کیفیت ایلك آنا رشی یی، عائله لرک نحو ومندرس اولنسی،
قادینلرک حقوق انسانیه وحسیات علویه وزیه دن محرومیتی ایله اولادلرک یعنی بشریتك
تردیسینی تجویز ایلمکدر.

بوقاریده اشارت ایلدیکمز وجهله قانونلر یالکز فضیلت پرورلر، منورلر، متفکرلر
ایچون دکلدر واونلر ایچون دخی سنه احکام قانونیه نك منفی تأثیراتی جمعیتك شیرازه

انتظامتک محافظه سبله، تعالی و ترقیسی خصوصاً سنده غیر قابل انکار در . حالوکه عامه ده، خلقت کثیف کتله لرینی تشکیل ایدن آشاغی طبقه لرنده عائله لری قانونک حمایه سندن، عائله لرك صیانت و سعادت و حسن آمیزشی ایچون بر جوق تبعیات و تعمیقات ایله بولوب وضع ایدیلن تدابیر عدلیه دن فصل محروم بر اقبیلورز.

اسو بجره قانون مدنی سنک بوباده کی ماده سنک اسباب موجب لایحه سندن موسیو هورک بیان ایلدیکی وجهله فی الواقع فوق العاده نازک و معنوی اولان مناسبات عائله یه قانونک وسائط جبرییه سی زوجینک شخصیتلرینه تعرض ایتمکسزین بر نتیجه عملیه حاصل ایدمه جکندن وظائف زوجینک تأییدات قانونیه ایله تأمین موضوع بحث اولماقله برابر بونک زوجیندن برینی دیگرینه و یا اشخاص ثالثیه قارشی حمایه امرنده وضع احکام و تدابیر مانع تشکیل ایدمه جکی و بو احکام و تدابیرک تطبیقی مستلزم اهمیت خصوصییه حائر نتیجه احوالک کوستریله بیله جکی طبیعیدر .

اسکی احکامده اولیلک برلکی فکری اساساً موجود اولمدینی بحق ادعا اوله بیلور، تعدد زوجات اولیلک برلکنک حصوله اک مهم بر حائلدی . یکدیگرک خصم جانی اولان متعدد زوجهلرک براهنک و برلک داخله کیره بیله جکلری مفروض اوله مدینی کی بر قاچ زوجیه سی اولان بر کیمسه نک هر بری حقنده آری آری عائله نام قدسیسی آلتشده بروحدت و آهنک تشکیل ایدمه جک صداقت و صمیمیت زوجیه ایله مربوطیتی دخی تصور اوله ماز . صکره زوجک امر مطلقه بر اقبالان حق طلاق کی تهلکلی بر سلاح عائله نک تپه سنه اصلیمش ده موقلیسک قلیچی تأثیریه عائله فکرینک رکن اصلیمی اولان هر درلو صمیمیت و مربوطیت و محبتی طرفین ایچون تمامیه غل اولدینی بک طبیعی و حقائقی بجره ده بونی مؤید ایدی .

بوکا مقابل احکام جدیده موضوعه نک تأثیرات سعادت و حیات بخشا سی زمانه آکلاشیه جقدر . احکام سالفه نک روحلرده بر اقدینی ایزلر مرور زمانه زائل اولدجه و زوجینک احکام جدیده موضوعه یه کوره حقوق و وظائف متقابله لرینک نه لردن عبارت اولدینی تطبیقات و تجربه لر و مثاللرله ای دن ای یه او کره نیلوب آکلاشلا دجه ، اولیلککراسلی بر برلک، جدی بر صلابت، حقیقی بر سعادت حالی آله جقدر . نوع بشر جمعیتک امین و اساسلی اوله رق تشکلی فردی و اجتماعی ترقی، تعالی، حضور و سعادت ای و ن اولیلکدن ده موافق بر مؤسسه بوله مامشدر . قدمات حیاتیه ده ایلر و لهرک بو کونکی

استقلال فکری سنی آلان نسل بشرک ال یوکسک طوینوسی کندیسنی بولوب طانیهرق طومسیدر، بواسطه استقلال فکری تخصیص و انحصار ذهنیتنی تولید ایلر. همان قید ایده‌لم که کندیسنه حرمت ایتمکی بیلیمک بشقه‌سنده حرمت ایتمکی او کرتمکدر. آنجق حرمت و حیثیت ذاتیه ممکن اولدینی قدر تخصیص و انحصار فکریله مزوجدر و بو فکر بشریتک ترقیسی، سعی و غیرت، ایجاد و اختراع و ترقیات اقتصادیه‌سک مولیددر. تخصیص و انحصار فکری ملکیت، تصرف، ازدواج مؤسسه‌لرینی وجوده کتیرمشدر. بشریتی بومؤسسه‌لردن محروم ایتمک آنی اسکی بدویت و حیوانیتنه و حتی حیوانلرکده ال سفلی نوعلرینه ارجاع ایلمکدر، اووجهله قانونک بومؤسسات اجتماعی بی لایق اولدینی قدر حمایه ایلمسی لابددر. هائله روابطک تشید و تقویه‌سی ملت و انسانیت مفکوره‌لرینک تمیه‌سی اولدینی قدر مسندسز، بوش، غایه‌سز قالدق حیات بشره بتون موعود سعادت و جنتلری بخش ایلمکدر. یعنی بوکونکی حقیقی فلسفه‌نک کوستردیکی ال طوغری یول فردک علویت و شرفی قوتلندیرمک و بونک قدرده تکافل اجتماعیسنی تشید و تکشیف ایلمکدر.

کذلک ملت و حکومتلرده ال مهم هدف اولان نفوس و علی‌الخصوص بونک هم‌کیت و هم‌کفیتی یه ازدواج و هائله مؤسسانک حمایه‌سنی مقتضی اولدینی موجب تردد اولمیان قضایای مسلمه‌دندر. بوملاحظات ایله قانون بوعمدلرک تأمیننه خادم ال طوغری یوللری آرامشدر. اوجهتله قانون اول امرده یوقاریده اشارت اولدینی اوزره ازدواج ایله اولیلک برلکی تشکل ایدر دیمش زوج و زوجینی یکدیگره قارشی حقوق و وظائف متقابلله ایله باغلامشدر. زوجین ۱۷۰ نجی ماده قانونیه‌ده مبحث اولدینی اوزره ماللری حقنده قبول ایله جککری قانونده معین اصوللر دائره‌سندنه میانه‌لرنده مناسبات مالیه تأسیس ایلرلر، مع هذا بو یولده برمناسبت مالیه تأسیس ایتمه‌مش اولدقلری جهتله میانه‌لرنده مال آیریلنی جریان ایتمه‌دخی مذکور برلک قانونی و اخلاقی مناسبات و نتایج هیئت مجموعه‌سی اولهرق نظر مطالعه‌یه آلتیق لازم کلور. بومناسبات و نتایج زوجینک یکدیگرینه جوجقلره و اشخاص نالتهیه قارشی وضعیتلری نقطه نظرندن تدقیق اوله‌بیلور. هر قدر موسیو متا و روسهل (قانونک قبول ایلدیکی اولیلک برلکی زوجین و اعضای سائر هائله شخصیتلرندن متجرباً نظر اعتباره آله‌بیلجک بر شخصیت حقوقیه افاده ایده‌مز و هائله صفتیه تعهدات و عقودات یاپوب حقوق اداسنده بولنه‌ماز.

برلک آنجق ازدواجک منافع متحده‌سی هیئت مجموعه‌سنی افاده ایدر) فکریخی بیان

ایلمشسر وقانونده بویولده برأولیک برلکنک وجودندن بحث اولنسی اسویچره قانون مدینسک قبل قبول تدقیق محول بولندینی متخصصلر قومیسینونده دوچار اعتراض وتقیق اولس وازجمله موسیو غوبا ازدواجه (أولیک برلکی) ایله بر شخصیت ویرلسی لزومسز اولوب مهم مشکلاتی بادی اوله جغفی بیان ایلمشسده مع فایه متخصصلرک اعتراضات شدیدسده رغماً بزم بویابده کی ۱۵۱ نجی ماده مزک معادلی اولان اسویچره قانون مدینسک ۱۵۹ نجی ماده سی مذکور برلکی وزوجینک حقوق ووظائفی تثبیت ایتمک صورتیله بزده اولدینی وجهله عیناً قبول اولنمشدر. قانون بادی امرده یعنی أولمه احکام عمومیه سنک ایلمک اساسی اولمق اوزره برعائله تشکیلنی ارانه ایلمکله بوبرلکه بر اهمیت مخصوصه عطف ایلمک لازم کلدیکنه جلب دقتله ازدواجک فایه سی بو برلکنک سعادت بولندیغی بنابرین زوجینک یکدیگره قارشی برلکنک سعادت سی متحداً تأمین التزام ایتمش اولدقربی تعیین ایلمشدر [*].

ایشته واضع قانون نقطه نظرده کی برلکنک معناسی بوصورتله توضیح ایلمش اولور. ازدواجک فایه سی عائله تشکیلی اولوب زوجینک ده حاصله غیرتیری بونک سعادتیه معطوف اولمق لازم کلور، موسیو غونوفری بونقاصی توضیحاً ماده نک اسویچره مجلس ملیسنده حین مذاکره سنده (أولیک برلکندن) نه آکلاشلق لازم کلدیکنی پک صریح بر صورتده بیان ایله دیمشدیک: «قانون مدنی پروژه سی زوجینک بر برلک، برنوع جمعیت تشکیل ایلمکربی و بوجعیتک شخصلری و اموالی نقاط نظر نجبه زوجین ایچون بر طاقم نتایج و تأثیرات وقوعه کتیردیکنی قبول ایلمشدر. شخصی اعتباریله زوجیندن هربری أولیک برلکنک سعادت سی ایچون لازم کلن هر درلو فداکارلنی درعهده ایلمکله مجبوردر. امواله کلنجه؛ کذلک زوجین موجودلری نک کافه سی ویا بر قسمتی عائله یه حصر ایلمکله مکفدرلر» بوتفصیلات ایله (أولیک برلکی) بر مفهوم معنوی اولمقله موجودیتک طوغریدن طوغری یه اشخاص سائر یه سرایت ایده جک بر تأثیر بولنما قله برابر قانونده موضوع بحث أولسنک قیمتی و حقوقی نتیجه سی وزوجین ایچون اهمیت لایقله آکلاشلمش اولور صانیرز. زیرا قانون بو خصوصه عطف ایلمک لازم کلن اهمیت نسبتنده مؤیداتی ده اهمال ایلمدیکنی

[*] قانون ازدواج ایله زوجینک چوققله قارشی اولان وظائفی دخی تثبیت و ازدواجده چوجمکده عین اهمیت و عین صفده نظره آلدینی ارانه ایتمشده بو یحیی بالاخره مستقلاً تدقیق ایده جک مزدن شمعی موضوع مطالعه یلایموزز.

یوقاریده تفصیل ایلمشدک. اولیلک برلکنک ماهیتی حقننده بوتدقیقأتمزدن صکره عائله حقوقک احکام سائره سنک دیکر نسخهلرده مطالعه سنه دوام ایده بیلوروز. عائله حقوقک تدقیق و تمیق اولیلک برلکنک ماهیتی دهأ واضح اوله رق تعینه مداردر. چونکه برلک بو حقوقک هیئت مجموعه سی محصله سندن عبارت عد اولنه بیلور.

م. طلعت

مفوقی ارباب

سقراطک محاکمه سی و افلاطونک مدافعه سی [۱]

مضموندر فصل بوندن ماعدا بنی تعقیب ایدن کنجلر - که زنکین عائله لک اولادیدر لر **آرمنی** و فضله و قتلری واردر - مالک بویه بر امتحانه تابع طو تولدقلرینی کورمکدن متلذذ اولورلر و چوق دفعه لر بنی تقلید ایده رک کندیلری ده باشقه لرینی امتحانه چکمه کة قالدیشیرلر. بو صورته هیچ برشی بیلمدکلری حالده چوق بیلیم ادعاسینده بولنان بر چوق کیمسه لره تصادف ایدرلر. طلبه لر طرفدن امتحانه طویلانلر اونلره دکل بکا قیزارلر و کنجلری افساد ایدن سقراط نامنده آلتی بر آدمک موجود اولدیفنی ادعا ایدوب طورورلر. بریسی جیقوبده بونلری افساد ایچون نلر یاپیور ونلر تدریس ایدیور؟ ده به صورسه ویره جک جوابلری یوقدر، چونکه برشی بیلمز لر. برشی ده به مدکلرینی کوسترمه مک ایچون فیلسوفر ایچون لسان عوامده جاری اولان اتهاماتی تکرار ایدرلر کویا فوق السما خصوصاتی وارضک اسرارینی تدقیق ایتدیکنی واللهمزه اینانمادقلرینی و حقسنز شیرلی حقی کوستردکلرینی سوبلرلر. فقط حقیقی سوبله مکدن احتراز ایدیورلر و برشی بیلمدکلری حالده بیلدکلرینی ادعا ایتش اولدقلرینی اعتراف ایتمز لر. بونلر شهرت دوشکونی و عنود و غلبه لک اولدقلرندن و علیهمه هب بردن و کال قناعتله سوبلندکلرندن قولاقلری کیزی اسکیدن برو افترالرله طولدوردیلر. اوزریمه هجوم ایدن مه له نوس و آیتوس ولیقون بوزمره دندر. مه له نوس شاعرلر طرفنی چکهرک حدت ایتش، آیتوس ده صنعتکارلر و سیاستجیلرک ولیقون خطیلرک طرفنی چکمشدر. بناء علیه

[۱] نجی نسخه دن مابعد